

ՊՕԷՏԻՆ

ՅՈՎՀԱՆՆԵՍ ԹՈՒՄԱՆԵԱՆՅԻ

Մեր ուշքն ինչու ես կախարդում
Սիրոյ անհոգ երգերով,
Մեր աչքն ինչու ես դու խաբում
Ցնորական պատկերով:

Այս օրերում հարկաւոր չեն
Զբօսանքներ հոգեկան,
Նայիր կեանքին, մեզ կանչում են
Մեր եղբայրներն օգնութեան:

Իսկ դու, անփոյթ մեր տանջանքին,
Հարւածներին մեր բազուի,
Արբեցնում ես արթուն հոգին
Քաղցր թոյնով հեշտախտի:

Քո սիրային երգերի հետ,
Նայիր, սուգ ենք մենք անում.
Բաւական էր, կանգնիր պօէտ,
Կեանքի կույ սահմանում:

Եւ տարածիր աջըդ անդէնք
Ընդէմ հարին մահաբեր,
Մենք էլ այնժամ քեզ հետ կասենք
«Մնաք բարեաւ, կոյս եւ սէր»: